

4. Electis itaque Presidente, & Diffinitoribus, ordinamus, quod ipsi Presidenti litera omnes bonum Congregationis concernentes, quae fuerint praesentandae, porrigantur: antequam tamen inde receperint, fiant per P. Praesidentem infra scriptae admonitiones.

*Admonitiones faciendae per P. Praesidentem omnibus de Capitulo in principio Capituli Generalis.*

5. Ut Capitulum citius possit expediri, Praelati sint breves, tam scriptis, quam voce, nec eadem saepius repetant, sed superflua, & ad rem non pertinentia, evitent.

6. Soliciti sint circa disciplinam, & Regularem observantiam, & praecipue ad Divina Officia, die, ac nocte, attento, quod Monachi Monasterii sunt in variis exercitiis occupati.

7. Omnes Praelati in Capitulo habeant facultatem eligendi sibi Confessarium. Ceteri vero, qui ad Capitulum accesserint, constentur cum Deputatis ad confessionem, tam in Monasterio Capituli, quam alibi.

8. Nullus exeat e Monasterio sine licentia P. Praesidentis, vel Vicarii Capituli, omnesque ad vitam communem in Refectorio conveniant, & omnino tollatur abusus, si quis in contrarium inolevit.

9. Adhortentur Praelati Monachos suos, & Commissos, ut serviant Missis, adjuvent in exercitiis Monachos, & Commissos Monasterii. Admoneant etiam famulos suos, ut sint discreti, morigerati, & caveant a contentionibus, quia inde sepe scandala oriuntur. Cellerarii vero eis provideant de necessariis.

10. Durante celebratione Capituli in omnibus Congregationis nostrae Monasteriis omnes ad Deum preces effundant, & praecipue Sacerdotes in Missa faciant commemorationem de Spiritu Sancto, & conventualiter fiat oratio ordinaria pro felici directione, & exitu eiusdem Capituli.

*Quod nullus Diffinitorum procaciter defendat sententiam suam, aut revelet secreta Capituli.*

### CAPUT XI.

*Idem dicendum de aliis a Diffinitoribus vocatis, & de secretis Dietae.*

1. Sane, ut omnia cum Dei timore procedant, & ad laudem ipsius cedant pariter, & honorem: strictius prohibemus, ne aliquis Diffinitorum procaciter suam tueatur sententiam, examinando occurrentes causas. Sed si quid forte dicere voluerit, sua dictante conscientia, ut clarior veritas elucescat, praevia P. Praesidentis licentia cum omni humilitate, & modestia id proponat. Postquam suum emisit votum, aliorum iudicio se submittat. Si contra fecerit, & correctus se non emendaverit, expellatur extra Diffinitorium, ut infra §. 3.

2. Nullus insuper, tam ipsorum Diffinitorum, quam etiam aliorum; quacumque ex causa a Diffinitoribus vocatus, ea, quae tractantur in Capitulo, sive quae ibi audierit, revelare audeat, donec fuerit Capitulum absolutum, & ulterius si rei materia poposcerit: quod etiam intelligendum est de iis, quae in Dietis fuerint tractata.

3. Quod si a quoquam contra factum fuerit, ita quod scandalum oriatur, aut verisimiliter oriri possit (quod arbitrio majoris partis Diffinitorum, si tempore Capituli talis revelatio publi-

cata fuerit, sin autem arbitrio Regiminis, declaratur); si quidem ipse Diffinitor sit, primo sequenti Capitulo non possit eligi in Diffinitorem; & insuper si durante Capitulo de tali revelatione constiterit, expellatur de Diffinitorio; arbitrio tamen Diffinitorum (si eorum majori parti videbitur) revocandus. Si vero is, qui revelaverit, Diffinitor non fuerit, pro qualitate transgressionis arbitrio PP. Diffinitorum, si tempore Capituli, seu Regiminis, si intra annum talis revelatio fuerit publicata, erit puniendus.

### De Officio Conservatorum.

### CAPUT XII.

1. Conservatores, hoc titulo praecipue insigniti, quod Regulam, & Constitutiones Congregationis, necnon Diplomata Pontificia, pro ejus bono Regimine emanata a transgressoribus vindicare debeant: quibus in maxima potestate constitutis, illarum custodia, & executio commissa est, cum primum Magistratum inierint, diligenter perpendant acta omnia, videlicet Decreta, nedum pro Congregatione, verum etiam pro singulis Monasteriis, sive publice, sive privatim, edita, electiones, & absolutiones Praelatorum, Monachorum promotiones ad Dignitates, & officia, in junctas poenitentias, facultates, sive licentias concessas, commissiones omnes, ac instructiones Commissariorum, si qui erunt, vel fuerint deputati, vel deputandi respective, & quaecumque alia animadversione digna, quomodocumque per Praesidem, vel Visitatores, aut Regimen in Dieta triennii proxime elapsi gesta, & ordinata, quae omnia in scriptis optimo ordine digesta a Cancellario Regiminis ad eorum Tribunal per ipsum deferri mandabunt: necnon omnes sanctiones, ordinationes, provisiones, Decreta & acta omnia, quae per Diffinitores in Capitulo, quod tunc celebratur, edita, & statuta fuerint, a Scriba Capituli in ejus folio annotata, similiter accipiant, ut ea antequam publicentur, accurate examinent, & recognoscant, non quidem tanquam Iudices appellationum, sed uti Regulae, & Constitutionum Conservatores. Et si quid in huiusmodi actibus, tam per praefatos Praesidentem, Visitatores, & Regimen in Dieta triennii modo praeteriti, quam per Diffinitores in Capitulo, quod tunc celebratur editis contra Diplomata Pontificia, Regulam, & Constitutiones factum esse repererint: illud absque ulla Indulgentia, & omni penitus rigore, corrigant, revocent, rescindant, & nullum declarent, & cum effectu (prout Iustitia distabit) exequi mandent: nec ullo modo, nisi praedicta omnia ab ipsis Conservatoribus recognita, & approbata fuerint, a Diffinitoribus publicentur, vel executioni mandentur, alioquin nullius intelligantur esse roboris, & validitatis. Et ipsi Conservatores contra inobedientes, etiam Diffinitores, nulla habita Personarum, vel Dignitatum ratione per censuras, & poenas Ecclesiasticas juxta facultatem sibi per Breve Pauli V. traditam, omnino procedant.

2. Quoniam autem potest contingere, ut decreta omnia, & acta Capituli illius anni non possint in tam brevi tempore a Cancellario registrari: Propterea ordinamus, ut a Conservatoribus futuri Capituli accurate inspiciantur, & examinentur, an fideliter, & diligenter, prout decet, fuerint

*Item de eorum potestate puniendi inobedientes.*

rint in Registro notata, cum ceteris decretis, ac provisionibus factis, tam a Patre Praeside, & Visitatoribus, quam a Diffinitoribus, prout supra in antecedenti numero. Et si negligentia notabilis inventa fuerit, instantibus Conservatoribus a Diffinitorio procedatur contra Cancellarium, etiam usque ad privationem officii, si ejus culpa id acciderit.

*De electione Scribae Capituli Generalis, Cancellarii Regiminis, & de pertinentibus ad Officium eorum.*

### CAPUT XIII.

Post electionem Diffinitorum, & Conservatorum eligatur unus ex ipsis Diffinitoribus in Scribam Capituli hoc modo, videlicet. Unusquisque Diffinitorum P. Praesidentis Capituli nominet, quem idoneum judicaverit, qui Praesidens omnes nominatos redigat in scriptis. Postea votis exponantur, & electus remaneat, qui habuerit plures voces; at si plures invenirentur pares in vocibus, iterum suffragiis subdantur, donec unus remaneat; quo electo Praesidens Capituli, propria manu in registro Actorum ipsius Capituli scribat hac forma videlicet:

*Anno Domini 16 . . . & c. Indictione . . . . . Die . . . . . Mensis . . . . . S. D. N. P. P. N. Pontificatus Anno . . . . . Celebratum fuit Capitulum Generale Monachorum Congregationis Casinen. in Monasterio S. N. de N. Diocesis N., in quo fuit electus in Scribam Capituli D. N. de & c. ab infra scriptis Diffinitoribus eiusdem Capituli, ad cuius rei fidem Ego D. N. Diffinitor, & Praesidens praefati Capituli, hac manu propria scripsi. Consequenter duo ex antiquioribus Diffinitoribus se subscribant. Postea ipse Scriba, qui eo ipso, auctoritate Apostolica, ut patet per Indultum Pii Secundi Summi Pontificis concessum anno 1461. quoad acta Capituli Notarius publicus censetur; in Registro scribat nomina Praesidentis, & aliorum Diffinitorum anni illius, & subsequenter omnes alios Officiales, & quaelibet acta Capituli annotatione digna.*

Ad officium etiam Scribae pertinet literas omnes Capitulo praesentatas coram aliis Diffinitoribus legere, & ea, quae alicujus ponderis digna conspexerit, in uno folio in modum memorialis notare per Diffinitores postea examinanda. Ad ejus etiam officium pertinet publicare Vicarium Monasterii, Auditores Causarum, Cancellarium, Depositarium, Ostiarios, & alios Officiales a PP. Diffinitoribus constitutos, schedulamque dd. Officialium Vicario relinquere.

Sit etiam sollicitus Scriba, terminato per Diffinitores anno praeterito, quae revocata non fuerint, in Registro describere, & quae de novo statuentur, diligenter adnotare. Scribi etiam, faciat literas gratiosas pro benefactoribus Congregationis, cum appositione sigilli pendens, quas ipse subscribat. Licentias vero vendendi, seu quovis titulo alienandi per Diffinitores concessas ad effectum obtinendi assensum a Sede Apostolica, de more extendat, subscribat, eodemque Congregationis sigillo communiat. Et ut supradicta commodius valeat expedire, volumus, ut finito Capitulo tribus diebus, & ultra, si opus fuerit, remaneat in Monasterio, ubi Capitulum fuerit celebratum.

5. Verum, quoniam propter ampliationem

Congregationis, multae occupationes, & causa in dies emergunt, itaut cum difficultate Scribae Capituli omnibus satisfacere possit: idcirco per PP. Diffinitores, vel Regimen eligatur unus Prior Clanstralis idoneus, fidus, integerrimus, & peritus, qui Cancellarius Patrum, vel Regiminis vocetur, quique registrandi literas, instrumenta, Decreta, & alias Scripturas ad Regimen attinentes, necnon literas scribendi, & respondendi, quibus opus fuerit, pro dispositione P. Praesidentis, & Diffinitorum ut supra statutum est in praecedenti Capitulo numero primo, & secundo, curam habeat, qui etiam cum ceteris Officialibus publicetur.

6. Praefatus autem Cancellarius apud Praesidentem Regiminis semper maneat, ut in rebus ad Congregationem pertinentibus, illum opera sua juvet. In eo autem officio, si recte se gesserit, usque ad sexennium, arbitrio Regiminis perseveret, ut non solum Praesidi, sed etiam Diffinitoribus, rerum Congregationis, Actorum Capituli, Visitationum, & Constitutionum, & aliarum, Scripturarum ad Regimen pertinentium, requisitus, notitiam suggerere valeat. Eaque omnia ita callere debebit, & praemanibus habere, ut quotiescumque opus fuerit e vestigio proferre possit. Ei autem Coadjutor a Diffinitoribus tempore Capituli deputetur, ne multitudine negotiorum obruatur.

7. Praesidens autem in omnibus negotiis ad officium suum, & Congregationis regimen pertinentibus, Cancellario tantum utatur, ne restanti ponderis fidei cujuscumque committat.

8. In negotiis vero Capitalibus expediendis, ut brevitati simul atque ordini consulatur, curabit Cancellarius omnia petitionum Abbatum folia in libro ad hoc preparato agglutinari per ordinem juxta examen Monasteriorum, itaut unicuique folio petitionum vacua libri pagina e conspectu correspondeat, in quo Diffinitores adnotare possint quid super singulis deliberaverint; ut deinde valeant juxta ipsorum sententiam Decreta efformare. Eiusmodi autem liber cum praedictis foliis petitionum propria manu Abbatum subscriptis in acta Capituli referatur, conservandus, ut expresse appareat, de quibus fuerint Diffinitores requisiti, & an opportuna remedia curaverint adhibere.

*De Vicario Monasterii, in quo celebratur Capitulum.*

### CAP. XIV.

Ne pluribus Monachorum, sive Monasterii, in quo celebratur Capitulum, curis distrahi, seu inquietari Diffinitores contingat, ordinamus, quod ipsi Diffinitores per consuetam Suffragia, Vicarium Monasterii, si fieri potest, eligant eum, qui ante fuerat Praelatus eiusdem Monasterii, qui rerum, & personarum melius conditionem noverit, seu aliquem alium Abbatem de Capitulo, prout ipsis Diffinitoribus videbitur, qui curam habeat regiminis Monasterii, ac Monachorum, tam ibidem de Conventu existentium, quam aliorum ad Capitulum venientium. Qui Vicarius teneat primum locum post Conservatores, quibus absentibus, omnia signa faciat, & particulares licentias praestet, excepto, quod licentiam eundi extra Monasterium causa recreationis, dare non possit, quae soli Praesidenti reservatur.



## CAP. XV.

Item de eorum scribis, & huius Coadjutoribus, necnon de appellatione ad Diffinitores.

1. Ut Patres Diffinitores, quibus precipue incumbit circa Monasteriorum, & Congregationis reformationes, & directionem intendere, curis temporalibus, & causarum tumultibus non distrahantur, oneraque partita facilius portentur, ordinamus, quod per suffragia a Diffinitoribus eligantur quatuor ex Prelatis de Capitulo, qui non sint Diffinitores, docti, discreti, & idonei ad administrandam Iustitiam super causis, & differentis, que solummodo pro rebus temporalibus emerferint, inter Congregationem, & ejus Monachos, seu Monasteria, necnon inter quascumque personas etiam Laicas cum Monasteriis nostris, aut Congregatione nostra, si ad Auditores ipsos recurram habuerint. Eligatur, & unus Scriba ex Monachis Monasterii, vel ex iis, qui cum facultate ad Capitulum accesserunt, talisque Scriba pro Quinto sit inferendo Iudicio, quoties predicti non convenirent, cui per Diffinitores dentur Coadjutores duo, tam pro regestro Conventuum, quam pro licentiis alienationum de more transcribendis. Que licentia omnes per ipsos transcribantur, alias per Scribam Diffinitorum non subscribantur. In quarum fine ponatur. *Presentibus literis tantum per Sexennium valituris.* Hique quatuor Patres appellentur Auditores Causarum, rerum, & Jurium temporalium Monasteriorum, & Congregationis.

2. Ad quorum officium, & examen omnia negotia temporalia, lites, & controversie Monasteriorum, & Congregationis deferantur. Qui sic electi, ipso facto habeant omnem potestatem cognoscendi, & terminandi causas predictas sine apicibus Juris, summarie, & de plano, ac sola facti veritate inspecta; terminataque executioni mandare, & quod ex inopia Debitorum ipsi Auditores exequi nequiverint, Regimen, aut Visitatores ad quos illius Provinciae visitatio spectet, cum requisiti fuerint exequi sedulo procurent; quorum sententiis, & terminationibus omnes de Congregatione, sive Diffinitores, sive Presbiteri, aut Visitatores fuerint, teneantur obedire.

3. Examinent etiam, & apud se mature consulant, quibus est licentia concedenda, quovis titulo alienandi bona stabilia Monasteriorum, & huiusmodi licentias de eorum consilio, vel concedant Diffinitores, vel negent. Quod si qui petere voluerint a Capitulo Generali confirmationem aliquorum contractuum, deferant ad idem Capitulum copiam authenticam Instrumentorum super iis factorum, aliter non audiantur, servatis iis, que dicta sunt ad Cap. 3. Regula.

4. Catalogum etiam, sive matriculam conficiant, in qua nomina Monachorum, qui illo triennio professionem emisserint, scribant. Notent præterea sigillatim nomina, & loca ejectorum, & fugitivorum, ut per Scribam Capituli sigillatim in confesso Patrum pronunciari valeant. Regestrum quoque Conventuum singulorum Monasteriorum secundum gradum, ac officium cuiuslibet apponendo etiam annum, diem, ac locum, quo, & ubi quilibet professionem emisserit, & in dicto Regestro Conventus ipsos eo ordine digerant, quo examinandorum Monasteriorum, scheda per Diffinitores publicanda digeretur. Propter que servanda mandamus omnibus, & singulis Conventibus, & Monachis nostre Congre-

gationis, ut de cætero literas, & schedulas talia continentes, ad huiusmodi Auditores separatim ab aliis rebus, de quibus scribere Diffinitoribus voluerint, transmittant.

5. Si autem unus, vel duo ipsorum Auditorum causas aliquas ad se spectantes ante dd. Auditorum Tribunal habuerint (ipsis quorum intererit exclusi) reliqui Auditores, una cum eorum Scriba eas audiant, & diffiniant.

6. Cæterum caveant diligenter dd. Auditores, ne quidquam (quod abfit) ex complacencia quovis modo, injuste facere, vel determinare præsumant, sed causarum controversiis auditis, Iustitia dirigente, judicent, prout sibi consentaneum visum fuerit.

7. Ab eorum tamen sententiis liceat aggravato ad Diffinitores appellare, qua appellatione interposita in causas ipsi se amplius non intromittant. Qui quidem Diffinitores non facile sententias revocent, nisi cognita causa, & auditis Auditoribus.

8. Verumtamen, ne lites immortales fiant, & in longum nimis protrahantur, ipsa appellatio usque ad Capitulum, proxime futurum inclusive, vel Dietam ob faciliorem solvendi facultatem pendere possit; quo tempore si appellantes ipsi profecti neglexerint, sententia ipsa transeat in rem iudicatam: ita quod nisi condemnati ante electionem Diffinitorum satisfecerint, in futura tunc proxima electione Diffinitorum voce careant activa, & passiva, dummodo tempore debito sententia ipsis intimata fuerit.

9. Sententias autem prædictorum Auditorum, ac eorum acta in scriptis redacta, finito eorum officio, volumus Regimini consignari, cum aliis Scripturis conservanda.

10. Et ut ipsorum Patrum Auditorum, qui honorabile membrum Diffinitorii esse censentur, elucescat auctoritas: pro gravitate illius Tribunalis, locum eis Superiorem post Vicarium assignamus in toto Capitulo, itaut in absentia Vicarii generalis: in absentia vero omnium Superiorum Monasterii (ubi Capitulum celebratur) etiam particularia, juxta ordinem professionis sibi invicem deferentes, signa faciant: Officium vero eorum usque ad absolutionem Capituli duret.

## De Depositario Capitali, &amp; Prelatis ad computa Monasteriorum deputandis.

## CAP. XVI.

1. Quia crescente in dies Congregatione, negotia quoque multiplicari manifestum est: adeo ut nec Diffinitores, nec Causarum Auditores facile omnia expedire possint; Ideo ut eo facilius onera Capituli portentur, quo in plures distributa fuerint, eligatur Monachus fidus, & omni suspitione carens, atque in computorum arte peritus, qui tempore Capituli sit Congregationis Depositarius, hoc ordine a Diffinitoribus eligendus. Quilibet Diffinitor in aures Patris Præsidentis unum nominet; Deinde nominati omnes suffragiis supponantur, & qui plures habuerint voces, sit Depositarius. Si vero plures in voce pares fuerint, qui Superior est professione, preferatur. Huic Depositario Prelati marsupia cum suis pecuniis ad Monasteria tantum pertinentibus, quas ipsi secum, seu alii eorum nomine detulerint, necnon literas cambii, si quas habent,

Item de fraudolentis Prelatis.

consignent. Pecunias tamen ad Monasteria non pertinentes, si quas penes se, aut alio quovis loco aliqui habuerint, in signum humilitatis, & reverentia P. Præsidentis manifestent. Ipse vero Depositarius super libellis cuiuslibet Monasterii a Prelato singulis Capitulis deferendis, que scribenda sunt scribat, videlicet debita, credita illius Monasterii cum Congregatione, annatarum scilicet, & taxarum supradictarum, & si quas propter eas tempore Capituli, aut intra triennium imponi contigerit, & similiter debita, & credita P. Præsidentis, Visitatorum, Procuratoris Generalis, & aliorum ex Patribus, & Monachis, qui nomine Congregationis aliquid receperint, prout per Auditores causarum diligenter examinata, & approbata fuerint.

2. Eligantur etiam duo Prelati ad computa Monasteriorum, quibus tam dicta Monasteriorum, quam etiam Congregationis, necnon Præsidentis, Visitatorum, ac Procuratoris computa deferantur, eaque diligenter examinata in toto, vel in parte approbent, aut reproben, prout Iustitia illis suadebit: approbata vero in libris computorum Congregationis per Depositarium adnotari faciant.

3. Redditus quoque singulorum Monasteriorum tam fructuum cuiuscunque generis, quam pecuniarum, rationesque dati, & accepti, creditaque, & debita pecunie a Prelato, Cancellario, & Senioribus subscriptas exactissime videant, & examinent, & ubi opus fuerit aris alieni causas inquirent, & rationem in eant, quo modo redimi possit. Eaque omnia pertractent, que pro cuiusque Monasterii utilitate sibi videbuntur expedire, verboque, & scripto omnia referant Diffinitoribus, ut possint opportune providere. Quod si in rationibus huiusmodi aliquam invenerint fraudem, contra transgressores severissime procedatur, etiam usque ad depositionem.

## De Monasteriorum examinatione.

## CAP. XVII.

Item de Monasteriis, necnon de pravis Fratribus.

1. Feria secunda tempestive dicatur Missa sine cantu de Dominica, cui omnes intersint Diffinitores, nisi aliqui tunc temporis celebrare voluerint. Si duplex festum occurrerit, ea die dicatur Missa de festo, & fiat Commemoratio de Dominica.

2. Completa Missa pulsetur pro Capitulo: coadunatis Diffinitoribus genibus flexis, aliquantisper orent: factoque signo a P. Præsidente, sedent omnes, quem etiam modum teneant, quoties ad Capitulares actiones celebrandas ingrediuntur.

3. Fient igitur primo per Scribam Capituli duæ schedulae, in quibus pro dispositione P. Præsidentis ponantur omnia Monasteria Congregationis, quo ordine examinanda fuerint: Quarum altera publice appendatur præ foribus Diffinitorii, ut sciant omnes, quo ordine, & quando sunt examinandi, & se præparent, ut vocati præsto esse possint: Altera vero remaneat penes P. Præsidentem, ut sciat, quo ordine Prelati olim Monasteriorum vocari debeant.

4. Postea vero vocentur Auditores causarum cum eorum Scriba, qui omnes admonentur a P. Præsidente, ut officium sibi commissum strenue, & integre exercent, Iustitiamque omnibus cum Dei timore administrent: & quæ agen-

da erunt, quanto citius exequantur, & terminent, & ut Capitulum de Auditoribus causarum legant, & diligenter ponderent, hortetur. Et primo Regestrum Conventuum expediatur: deinde P. Præsidentis distribuatur unicuique Diffinitorum Officia, adnotationes videlicet mutandorum Monachorum, Ordinandorum, literarum gratiosarum, extraordinariorum, & aliorum huiusmodi, prout ipsi Patri Præsidenti videbitur.

5. Post hæc procedant ad Monasteriorum examinationem, habita prius plena, & exacta a Visitatoribus Informatione status Monasteriorum, que ab ipsis visitata fuerunt: Imprimis stantes, quod si is, qui fuerit Prelatus Monasterii, de quo facienda est examinatio, sit Diffinitor, exeat de Diffinitorio.

6. Similiter si quis Diffinitorum habeat Prælatum sibi consanguinitate usque ad secundum gradum inclusive, conjunctum, aut Comprofectum, quando de ipso Prelato fit examinatio, Diffinitor ille tunc exeat, præsentemque non sit in illa examinatione. Quod idem servari volumus in examine Prælatorum Monialium curam habentium.

7. Advocentur itaque sigillatim Prelati olim Monasteriorum secundum ordinem schedule, ut supra exposita, & unusquisque super negotiis sui Monasterii examinetur, qui omnibus, que dicere voluerit in schedulam redactis, ut supra, eam manu sua subscriptam relinquat.

8. Habita demum de omnibus informatione notentur in uno folio, si que reprehensione digna fuerint, & accersito eo, qui est reprehendendus, Pater Præsidentis neminem specialiter nominando, aut dicendo, unde informatione n habuerit, moneat ipsum hoc modo videlicet.

9. Ad nos pervenit, vel nos audivimus sic, & sic, & precipue interrogetur Prelatus distincte, & seriatim de sibi oppositis gravioribus, ne inaudita parte contra eum minus canonice procedatur: similiter cum quocunque alio, si præfens fuerit in Capitulo, agatur; Et tandem audita ejus responsione, ipsum (prout Diffinitores iudicaverint expedire) vel absolvant, vel moneant, corripiant, aut puniant, quam correctionem, vel admonitionem volumus recipi omni reverentia, & submissione.

10. Si vero Patribus relata fuerint aliqua de quibus tunc certa informatio haberi nequeat, committantur Visitatoribus anni sequentis illius Monasterii, ut examinent, & procedant, prout in Capitulo de Visitatoribus ordinabitur.

11. Examinatis igitur supradicto ordine Monasteriis omnibus, procedatur postea ad examinationem Prælatorum, qui Monialium curam habent. Qui Prelati a Diffinitoribus sigillatim de unoquoque Monasterio interrogentur, si que digna notatione, correctione, aut provisione invenerint, que omnia per Scribam adnotentur, sicut supradictum est de aliis Monasteriis, & similiter proferantur literæ, si que sunt ad Diffinitores a Monialibus missæ, aut aliter dicta Monasteria Monialium concernentes.

12. Postremo ordinamus etiam, & præcipimus, ut deinceps apud P. Præsidentem teneatur liber successoribus consignandus, in quo per ordinem describantur ex una parte omnes illi, qui in Congregatione scandalosi, criminosi, inquieti, ac procellati fuerint: Ex altera vero parte e directo contrapositione adnotentur approbationes, & at-



attestationes Visitatorum de eorum emendatione, & morum conversione Diffinitoribus facta. Et postquam tribus vicibus a Visitatoribus diversis fuerint facta dd. approbationes, de quibus in eodem libro constare debet ex supradictorum Visitatorum subscriptione, possint illi, de quorum emendatione constabit, promoveri ad ordines, gradus, dignitates, & Officia respective dummodo favorabilia habeant omnia suffragia novem Diffinitorum, & non alio modo. Inviolabiliter autem hæc Constitutio in perpetuum servetur, alioquin nullas, & invalidas hujusmodi promotiones ad Dignitates, & officia ipso facto esse volumus, & declaramus: Teneantur autem Prælati, & Visitatores Diffinitorio dd. Criminosos, si quos habuerint, denunciare.

*De modo, quo Diffinitores expediant terminanda.*

C A P. XVIII.

1. Expedita itaque Monasteriorum examinatione, Præfidentis Capituli (quem volumus esse promotorem omnium causarum; ita tamen, ut tam Præfidentis Capituli, quam etiam Regimini teneatur quæcumque proponere super quibus ab aliquo Diffinitorum, vel Visitatorum fuerit requisitus) omnia, quæ notata sunt per Scribam, in medium feriatim, & successive diffinienda producat.

2. Et incipiens a novissimis usque ad primos sciscitetur uniuscujusque vota, ultimo ipse dicturus. Et uno loquente, ceteri taceant. Si quem vero deprehenderit in dicendo prolixiorum extra materiam vagari, moneat eum, ut exponat votum suum paucis verbis, & ad rem pertinentibus.

3. Omnibus vero auditis; illa opinio, in qua ex novem Diffinitoribus septem convenerint, ab omnibus censeatur diffinita. Scribantur autem terminata a Diffinitoribus in libro, in quo insertæ sunt petitiones Abbatum per Scribam e regione petitionum per capita summarie, prout supra determinatum est, cap. 13. de electione Scribæ.

4. Post hæc vero Diffinitores legi faciant ordinationes præteriti Capituli, & similiter, quæ fuerint ordinata per P. Præfidentem, Regimen, aut Visitatores intra triennium, & Judicio duarum ex tribus partibus, vel approbentur, vel revocentur.

5. Quæ autem de novo tunc ordinata fuerint, seu terminata, servantur quidem in Congregatione, sed non registrentur, nec vim legis obtineant, nisi per triennium practicata fuerint, & per sequens Capitulum confirmata.

6. Novæ autem ordinationes non facile fiant, nisi ex urgentissima causa, & maxima cum maturitate. Propterea ordinamus, quod si quæ in posterum ordinationes faciendæ sunt (postquam fuerint a Patribus Diffinitoribus formatae, & per eorum suffragia approbata) exhibeantur, & relinquuntur per aliquod tempus Prælati omnibus consideranda. Quibus postea convocatis, legantur sigillatim per Scribam, aut cui Diffinitores mandaverint, & quæ a duabus ex tribus partibus dd. Prælatorum concordati voto approbata fuerint, Patres Diffinitores per Scribam Capituli faciant publicari, sequenti triennio practicandas, & in futuro proximo Capitulo modo, quo supra a duabus Prælatorum partibus approbandas, & confirmandas, quæ deinceps non possint, nisi co-

dem modo, quo confirmata fuerint, revocari.

7. Terminata vero per anteriora Capitula, nolimus qualibet facilitate revocari, sed si que in dubium adduci contigit per subsequens Capitulum minime revocata, nullatenus proponantur examinanda, nisi de consensu duarum partium Diffinitorum, quæ tamen, ex toto, vel in parte revocari non poterunt, nisi ex novem Diffinitoribus, ad minus octo consenserint, & quotiescumque aliquid antea per Patrum Decreta ordinatum, alterari quacumque de causa contigerit, in decreto posteriori, fiat mentio prioris, alioquin posterius nullum fit, & Decretum prius emanatum in suo robore permaneat.

*De Calculo Expenfarum.*

C A P. XIX.

1. Post examinationem Monasteriorum, & ante novorum Officialium, & Prælatorum electionem, Diffinitores videant computa Congregationis per Deputatos, ad computa Monasteriorum approbata, & per Depositarium annotata, necnon calculum expensarum, triennio proximo præterito nomine Congregationis, tam per P. Præfidentem, & Visitatores, quam etiam per alios nomine Congregationis quacumque ex causa factarum, ac pariter Debitorum, & Creditorum. Quo inspecto sint solliciti, ut hujusmodi credita exigantur, & debita solvantur. Taxa Monasteriorum renovetur, quoties Capitulo Generali expedire visum fuerit.

2. Inquirant etiam, an solutus fuerit census unius uncie auri, quem Congregatio tenetur annuatimolvere Camere Apostolicæ in festo Apostolorum Petri, & Pauli in signum perpetuæ libertatis, & confirmationis privilegiorum nostrorum.

3. Omnibus itaque mature, ac diligenter perpensis, si pecunie defunt pro publicis dispendiis, imponantur cuilibet Monasterio plures, vel pauciores (prout necessitas exegerit) cum præfixione termini ad solvendum, ac quibus, & ubi solvi debebant.

4. In solutione autem pecuniarum, quæ per singulos annos a Monasteriis nostris Romæ faciendæ est, singula Monasteria integram summam, quam debent Procurariæ Generali, vel Agentibus pro Congregatione in Urbe Romæ suis expensis illuc deferant, vel transmittant. Quæstores vero, qui Venetiis, vel alibi degunt, dispendiorum notam secum deferant, quæ pro singulis Monasteriis facta fuerint, eamque eorundem Abbatibus consignent, ac si quid restat satisfaciendum exigant sine mora solvendum.

*De Præfidentis Regiminis electione.*

C A P. U T XX.

1. Die primo post prædictorum omnium expeditionem (etiam si superius ordinata ex integro expedita non fuerint) ut electio Præfidentis Regiminis celebrari possit, cantetur solemniter per Præfidentem Missa de Sancto Patre nostro Benedicto. Qua finita, congregatis Diffinitoribus, Præfidentis Capituli exhortetur eos pro novo Præfidente Regiminis eligendo, ut eum eligant, quem pro Congregationis bono magis idoneum, utilioremque probaverint.

2. Præfidentis porro per has vices deputari debet,

*Item de are alieno, censu, & pecunia credita.*

*Item de modo eligendi, & persona eligenda.*

bet; videlicet citra Alpes eligetur semel, & iterum professus in Monasteriis Provinciarum Siculæ, Neapolitanæ, Romanæ, & Hetruscæ, hoc est per sexennium. Expleto vero hujusmodi sexennio, eligatur ultra Alpes professus ex Monasteriis Provinciarum Venetæ, Lombardorum, & Liguriæ per novennium, singulis trienniis deputandus. In quibus Provinciis, excepta Sicilia, ob distantiam loci respective residere teneatur. Et sic semper servando hunc ordinem.

3. Modus autem electionis erit iste. Quilibet Diffinitor scribat in schedula, primo nomen suum, deinde nomen illius, quem eligere in Præfidentem intendit. Ego D. N. eligo in Præfidentem D. N.: & scriptum ponat in vase ad hoc preparato. Hoc facto Diffinitores vocent Scrutatores, qui scrutentur simul secreta singulorum suffragia, in quem vere quinque voces convenisse viderint, eum Præfidentem pronuncient: quod si non convenerint, tunc omnes nominati in Præfidentem a Diffinitoribus scrutinio supponantur, scrutinium vero dd. Scrutatores videant, & illud notent; & in quem plura vota convenerint, dummodo non sint infra quinque, ille sit Præfidentis. Si vero aliqui fuerint pares in quinque vocibus, vel supra, isti iterum votis subijciantur usque tertio inter Diffinitores, & qui plura habuerit vota, ipse erit Præfidentis; & si iterum fuerint paria, pronuncietur ex concurrentibus, qui est antiquior in Congregatione.

4. Supradicta autem vota, si quis in actu scrutini palam, vel clanculum ostendere, vel per alterius manus dare suffragia præsumperit, poenam privationis vocis activæ, & passivæ incurrat. Quod idem intelligimus de scrutiniis, quæ tam per Diffinitores, quam per Patres in Capitulo Generali, vel in Dieta congregatos fieri contigerint.

5. At si ex nominatis in Præfidentem nemo quinque voces habuerit, votis semel secundo, & non amplius subdantur. Qui si nec tum in sufficientibus votis convenerint, advocentur quatuor Auditores causarum, & eis adjunctis de omnibus nominatis per Diffinitores in Præfidentem, fiat scrutinium, & in quem sex ad minus voces convenerint, Præfidentem pronuncient. Si vero aliqui fuerint pares in sex vocibus, vel supra: Isti iterum suffragiis committantur usque tertio, & qui plures habuerit voces, ipse erit Præfidentis, & si iterum fuerint pares, pronuncietur, qui est prior in Congregatione: electum vero in Præfidentem hujusmodi onus volumus acceptare. Deinde vocent omnes Patres de Capitulo, & qui in eodem resident Monasterio, & coram eis electus Præfidentis pronuncietur per antiquiorem ex Diffinitoribus, qui electus continuo postulet, attento onere sibi imposto, pro se ab omnibus orari, & omnes successive Patres habentes vocem in Capitulo, ad pacis osculum recipiat.

6. Quibus peractis, is qui fuerit Præfidentis Capituli, vel antiquior Diffinitor (si ipse Præfidentis Capituli electus esset in Præfidentem Regiminis) incipiat: *Te Deum laudamus*, & cantando omnes processionaliter ad Ecclesiam accedant, Præfidente Regiminis in digniori loco ipsos comitante.

7. Cum vero perventum fuerit ad Chorum idem Præfidentis Regiminis cum illo, qui fuit Præfidentis, vel cum antiquiore Diffinitorum, (si ille, ut supra factus esset Præfidentis Regimi-

nis) & alio ex antiquioribus Diffinitoribus ante Altare se prosternat, & finito: *Te Deum laudamus*, is, qui fuit Præfidentis Capituli, vel antiquior dicat: *Salvum fac servum tuum, R. Deus meus sperantem in Te. V. Mitte ei Domine auxilium de Sancto. R. Et de Sion tuere eum. V. Dominus vobiscum. R. Et cum Spiritu tuo.*

O R E M V S.

*Omnipotens sempiternus Deus, qui facis mirabilia magna solus, protende super hunc famulum tuum Præfidentem nostrum, & super Congregationem illi commissam spiritum gratiæ salutari, & ut in veritate tibi complaceat perpetuum ei rorem tuæ benedictionis infunde.*

*Porrige Domine huic famulo tuo Præsidenti nostro dexteram tuam per intercessionem Beate, & Gloriosæ, semperque Virginis Dei Genitricis Mariæ, & auxilium ei supernæ virtutis impende.*

*Intercesso nos quæsumus Domine B. Patris Benedicti Abbatis commendet, ut quod nostris meritis non valemus, ejus patrocinio assequamur. Per Christum Dominum nostrum. Amen.*

8. Si vero contigerit electum huic functioni non interesse, ejus locum, & vicem teneat antiquior Diffinitorum, & omisso osculo pacis, cantetur, *Te Deum laudamus* cum *V.*, & orationibus.

*De Prælatorum electione.*

C A P. U T XXI.

1. Quia experientia magistra didicimus, Prælatorum crebram mutationem Monasteriis, in spiritualibus, & temporalibus esse damnosam; Idcirco monemus, ut in electione, seu nova institutione Prælatorum, hujusmodi crebra mutatio vitetur, & quantum fieri poterit non mutantur Prælati, nisi elapso sexennio, præterquam ob rationabilem, & legitimam causam. Ultra sexennium vero non possint, etiam prætextu simplicis administrationis, nisi talis administratio fuerit per breve spatium temporis, puta quatuor, vel sex mensium ad summum, in Regimine ejusdem Monasterii ullo modo permanere, nec ad illud regendum iterum assumi, nisi totidem annis vacaverint, quot illi præfuerunt. Quod idem de Thesaurario, Procuratore Generali, Cancellario, Capfario Congregationis, Coadjutore Procuratoris in Curia, & pariter de Prioribus, Magistris Novitiorum, & Cellerariis decernimus inviolabiliter observari, juxta formam Brevis Alexandri Septimi, & Clementis X.

2. Ceteri quoque Officiales a Prælati Monasteriorum ad Rectorias, Vicariatus, Procuraciones, vel ad quamlibet aliam administrationem, aut exercitium Jurisdictionis spiritualis, aut temporalis intus, & extra Monasterium Deputati, elapso sexennio a prædictis officiis omnino removeantur.

3. Et quia tempore Capituli Prælationes, & Dignitates omnes in Congregatione nostra vacare intelliguntur, ut eisdem sic per absolutionem in Capitulo sequentem vacantibus provideatur modus electionis instituendæ, tam de illis, qui immediate antea erant Prælati, quam de illis, qui de novo ad Prælationem promovendi sunt, erit iste:

4. Primo Diffinitores in eam inter se tractatum de Prælatibus, qui Gubernio sint restituendi, de iis,

*Item de depositione, & Monasterii assignatione, tam eorum, quam plurimorum Officialium.*



de iis, qui promovendi de novo, & de illis, qui sunt mutandi: nec ullum possint absolutum a Prælatione relinquere, vel de novo ad Prælatum promovere, nisi de his inter Diffinitores tractatu, & scrutinio præmissis. Unde si aliquem ex Prælati anni præteriti parum idoneum Regimini, prævio dicto tractatu, Diffinitores existimaverint, poterunt talem, ne per ipsum aliquid detrimenti, sive in temporalibus, sive in spiritualibus Congregatio nostra patiatur, secundum propriam conscientiam non idoneum iudicatum in suffragiis ferendis a Prælatione excludere. Hac tamen differentia, quod ut excludatur a Prælatione ille, qui anno præterito erit Prælatum, septem ex novem Diffinitoribus per vota secreta consentire debent, ut vero a Prælatum arceatur de novo promovendus, sufficit, si a tribus ex iisdemmet novem votis, ut supra convenientibus, reprobetur. Quod idem de Prioribus observari volumus.

5. Demum quilibet Diffinitorum scribat in præfata schedula nomina Prælatorum, quos nominare voluerit, unicuique Monasterio Prælatum unum habilem, prout conscientie sue videbitur assignando (ita tamen, quod nullus Prælatum amoveatur, de quo non amovendo, prius Diffinitores inter se tractaverint, & hoc inviolabiliter observetur) præfatumque schedulam in vase ad hoc preparato imponat.

6. Postmodum vero vocentur Scrutatores, qui præfatas schedulas diligenter scrutentur, & Prælatos in dictis schedulis nominatos, fideliter in unam amplam schedulam redigant, unicuique Monasterio attribuendo nominatos in eodem Monasterio, etiam si plures in uno Monasterio fuerint nominati, & ipsam schedulam præfatis Diffinitoribus repræsentent, in qua si reperietur de aliquo Prælatum dispositum fuisse aliter, quam supradictum est; tunc Pater Præfatus omnino prohibeat talem Prælatum suffragiis subdi, imo absque ulla discussione eundem in Monasterio, in quo prius erat describi, & nominari faciat: Schedulas vero, quas præfati Scrutatores scrutati fuerint, comburant, & omnia secreta teneant, ne scandalum aliquod oriri possit. Qui si contra fecerint puniantur, prout supra de ipsis revelantibus dictum est. Quo facto Prælati singuli votis supponantur, & in quem plura suffragia conveniunt, ille præferatur Monasterio, de quo agitur.

7. Hoc sane volentes, quod si quis eorum, pro quo votum datur, fuerit de Diffinitoribus: ut liberius de eo disponatur, exeat de Diffinitorio, donec fuerit factum scrutinium.

8. Quod si contigerit, eundem Patrem in duobus, vel pluribus Monasteriis nominatum, aliis Patribus in suffragiis anteferri: fiat Scrutinium iterum, & pro quo Monasterio plures reperte fuerint voces, illi præficiatur. Ad depositionem vero Prælatorum in poenam decernimus, ut non nisi causa cognita, & secundum quod ordo juris, ac ipsorum demerita, postulaverint, Diffinitores procedant.

9. Advertant autem ipsi Patres Diffinitores, aut etiam, qui pro dictis celebrandis infra triennium congregabuntur, ne in promotionibus ad Dignitates, Prælaturas, officia cujuscumque generis in Congregatione faciendis, ullum omnino promoveant ad favorem cujuscumque Principis, aut Prælati extra Congregationis gremium,

hoc enim prohibetur per duo Diplomata Pii V., quorum alterum expeditum fuit sub die 7. Aprilis, alterum 28. ejusdem mensis, & anni 1571. districtius autem per Diploma Gregorii XIII. die 7. Aprilis 1574. a SS. DD. NN. Urbano VIII., & Clemente X. confirmatum, & ampliatum, quod legendum est quotannis coram omnibus de Capitulo, Sabbato in primo actu Capituli; sed illos tantum ad hujusmodi Prælaturas, vel officia assumant, quos Religionis zelus, morum probitas, & literarum scientia, ac regulæ observantia commendant.

#### De Conventuum Ordinatione.

### CAPUT XXII.

1. Expeditis Prælatorum electionibus tractent deinde Diffinitores de Conventuum ordinatione.

2. Videant itaque primo, an Monasteria Prioribus, Decanis, Magistris Novitiorum, Cellerariis, & Monialium Confessoribus indigeant; quod si judicaverint in aliquo Monasterio aliquem promovendum, aut ex illius Monasterii Superiorum instantia, vel ex ipsorum Diffinitorum propria consideratione, tunc (servatis omnibus in Apostolicis literis expressis, & que in præfatis Constitutionibus, & præsertim in declaratorio Regulæ Cap. 21. de hujusmodi electionibus statuuntur; ) Diffinitores ipsi diligenter de eo in eam cum Dei timore tractant; Declarantes illos, de quibus tunc agitur, nequaquam legitime promoveri posse, nisi ex novem Diffinitoribus, saltem septem consenserint, quem etiam votorum numerum, in eorum absolute necessarium esse decernimus.

3. Et ne Diffinitorum iudicium in aliquem errorem labatur: Visitatores in Monasteriis visitandis interrogabunt Prælatum, ac ceteros Monasterii Superiores, an mutuo inter se consilio tractaverint (quod eos omnino facere volumus) sit ne aliquis in Monasterio Monachus morum, probitate, & scientia dignus, qui promoveri possit ad Decanatum, itemque ex Clericis ad Subdiaconatum, Diaconatum, aut Sacerdotium. Et si aliquos post hujusmodi tractatum dignos invenerint, qui proponantur Visitoribus approbandi, mandabunt ipsi Visitatores prædictos sibi in schedula descriptos exhiberi, atque a Prælato, & singulis Superioribus, Juramento præfatio exigent, an affectione, & inordinata animi inclinatione, aliquem proposuerint, aut odio, vel malevolentia prætermiserint, an vero quos dignos, & idoneos ad gradus, & officia judicaverint; de que sic nominatorum vita, & moribus, præsertim illorum, qui ad Decanatum promovendi essent, a ceteris probata fidei Monachis exactissime inquirent, & singulorum testimonia in acta referri jubebunt. Industriam vero, ac scientiam Visitoribus ipsi præfatos diligenter examinant, servata forma, quoad promovendos ad Decanatum, que infra in secunda parte Constitutionum Cap. 20. num. 15. præscribitur, & quos idoneos repererint, approbant. Decanorum autem, & Priorum Claustralem vitam, mores, industriam, doctrinam, & sollicitudinem: tum a Prælato, & Superioribus, tum ab aliis diligenter explorant; cum enim ex eorum numero eligantur Priores, & Abbates respectively, omnium optimi sunt approbandi. Quos igitur dignos judicaverint Visitoribus (super quo eorum conscientiam

Idest, de necessariis Officialibus, & Monachis; illorumque electione, & horum amotione.

tiam oneramus) approbabit, & in acta referri mandabit. Caveant autem Visitores, ne aliquem approbent, qui per integrum saltem annum in eodem Monasterio commoratus non fuerit, aut certe bonum testimonium habeat ab his Prælati, & Superioribus, cum quibus, eo anno, licet in diversis Monasteriis, vixerit. Hoc attento, quod Titulares Prælati deinceps neque in Abbatibus cum Administratione, neque in Priores, neque in Decanos promoveri poterunt.

4. Prohibemus quoque ne quis ad Decanatum, nec ad aliquem superioritatis gradum, etiam si Sacerdos ad Congregationem venerit, assumi possit, nisi decimo sexto; nec ad curam Novitiorum, nisi 18. anno respectively in Congregatione completo, ut supra in declaratorio Regulæ Cap. 21. num. 7.

5. Et nemo in Priorem, aut Abbatem promoveri possit, nisi per quinquennium completum in Decanatu, aut Prioratu respectively laudabiliter vixerit, prout in præfato Cap. 31. num. 11.

6. Videant consequenter Diffinitores si Monasteria Sacerdotibus, Cantoribus, & aliis quibuscumque Monachis indigeant, & pro qualitate loci, concursu, frequentia Populi, & dignitate Ecclesiæ opportune provideant, servata tamen forma Decreti Sacre Congregationis Concilii de celebratione Missarum, ubi decernitur, ut numerum familiarum singulorum Monasteriorum Capituli Generalis sententia, & auctoritate præfinitum, iidem Regularium Superiores perpetuo servare omnino teneantur: nec possint illum quomodo augere, etiam prætextu augmenti reddituum, abique Sacre ipsius Congregationis licentia. Quem quidem numerum jam unicuique nostræ Congregationis Monasterio Capituli Generalis voto, & auctoritate præfixum, nemini liceat Prælatorum nostrorum ullo pacto minuire, vel pro obtinenda hujusmodi augendi licentia, ad eandem Sacram Congregationem recurrere, nisi ex urgentissima, & legitima causa in Capitulo Generali a Diffinitoribus approbanda, penas in prædicto Decreto contentas incurfuri. Statuatur item ex eo numero, quot Decani, quot Sacerdotes, quot Clerici, singulis Monasteriis sint adscribendi, sic enim fiet, ut ex certo unicuique Monasterii Monachorum numero, certus etiam numerus omnium in Congregatione Monachorum determinetur, adeo ut singulis annis non plures Novitii ad probationem recipiantur, quam quot de præscripto numero fuerint imminuti. Insuper si qui ex legitima causa petant, aut indigeant mutatione, prout fieri poterit, & Diffinitoribus videtur, fiat provisio.

7. Ad tollenda autem scandala, & incommoda, quæ ex frequentibus Monachorum mutationibus sæpe numero etiam cum animarum detrimento oriuntur, statuimus, quod Monachi nostræ Congregationis non levi causa mutantur, sed tantum ex manifesta infirmitatis causa, quibus Medicorum Consilio aeris mutatio subveniret, aut si hujusmodi mutatio ad Animæ salutem esset necessaria, vel alia gravi causa a Diffinitoribus, vel Regimine, aut a Visitoribus approbanda. Mutatis autem, Visitoribus, aut Diffinitores, aut Regimen per quos mutari contigerit, provideant, ut omnia itineri necessaria tribuantur, præscripta quoque eis via, qua directe ad Monasteria sibi assignata pergant, ita ut vagandi

tollatur occasio, & commodis Monachorum, qua decet charitate, consulatur.

8. Mutationes vero prædictæ, quantum possibile est fiant ad loca viciniore, & magis propinqua, ut expensis simul, & vagationi Monachorum parcatur, & ne cogantur diversa Monasteria, & hospitia circuire. Quod præcipue circa Juvenes observetur, prout supra ordinatum est in Declaratorio Regulæ Cap. 67. n. 13.

9. Scriba vero Capituli Monachos, & Monasteria a quibus amovendi sunt, & ad que transmittendi fuerint, in scriptis redigat. Nec Catalogis mutationum, quæ per Capitulum, aut Dietas fiunt, adhibeatur fides, nisi subscriptis manu ipsius Scribæ, sive Cancellarii, vel unius ex Prælati, vel Procuratoris in Curia, vel Notarii in fidem facientium, eos cum originali convenire.

10. Statuentes insuper, quod quando Monachi mutantur de Monasterio ad Monasterium, competenter induti mittantur, & maxime in prima mutatione eis omnino provideatur de clamyde, seu Mantello panneo, ocreis, calcaribus, aliisque necessariis, prout in inventario suorum vestimentorum cognoscantur indigere.

11. Pecunias vero non solum, quas pro Vestimentis deferunt, sed etiam omnes alias, cum ad Monasteria sibi assignata pervenerint, itatim Prælati revelent, Depositario consignandas, quas volumus, nisi de licentia Abbatis expendi.

#### De Visitorum, & Procuratoris in Curia electione.

### CAPUT XXIII.

1. Demum ipsi Diffinitores eligant sex Prælatos in Visitores ultra Præsidentem, Religionis Zelo, morum probitate, literarumque scientia conspicuos, qui teneantur in illis Provinciis, in quibus Visitores deputati fuerint, munus suum cum omni diligentia subire, & intra tempus a Constitutionibus præscriptum absolvere.

2. Modus autem eligendi erit iste: Quilibet Diffinitor secreta scribat in una Schedula sex Prælatos supradictis qualitatibus præditos, duos videlicet ex Neapolitana, Romana, & Hetrusca; ac alios duos ex Lombarda, Veneta, Liguria, Provinciis, ex diversis tamen dd. Provinciarum Monasteriis respectively professos, & reliquos duos juxta præscriptum nostræ Congregationis pro Regno Sicilia, ut statuitur in Brevi Pauli V. Postea ipsam schedulam Patri Præsidenti præsentent, deinde nominati exponantur votis, & qui habuerint plures voces, Visitores existant; quando vero plures concurrunt in vocibus, antiquior Professione præponatur.

3. Statuimus tamen juxta formam Literarum Apostolicarum Gregorii XIII. ut qui in uno Capitulo fuerit Diffinitor, illo triennio Visitor esse non possit. Similiter, qui anno præterito fuerit Visitor, nisi elapso sexennio in Visitorem eligi nequeat. Visitor autem solum actu, sequenti immediate triennio, illa Monasteria visitare non valeat, quæ præterito triennio, etiam actu visitaverit. Visitatio vero Monialium committi non possit iis, qui immediate ante, eas, actu, vel officio visitaverint.

4. Tradant denique Diffinitores binis quibusque Visitoribus juxta prædictas Literas Apostolicas, schedulam, in qua descripta sint, non solum ea, quæ de Visitoribus Congregationis no-

Item de eorum Sede, & Officio; nec non Procuratoris Computista, & Coadjutore.



stra, Constitutiones mandant observari; sed etiam alia, quae ipsi Diffinitores judicaverint Visitatoribus ordinanda, tam in genere, quam in specie pro singulorum Monasteriorum exigentia.

5. Postea incant tractatum de eligendo Procuratore Generali in Curia Romana, cujus officium cum maximi sit ponderis, eligatur spectatae viri probitatis, industriae, ac fidei, qui sit Abbas Regiminis, & non solum ingenio, & gravitate morum commendetur, sed etiam in Abbatia triennium adminis compleverit, & cujus vita in aliis etiam officiis laudabiliter acta, firmum, & grave dederit testimonium, cum posse tanti oneris, & honoris nomen sustinere; accesseritque gravior quaedam, & continuata Visitatorum confirmatio. Ad ejus enim officium spectat Congregationis negotia tractare in Curia, ex Diffinitorum Capituli Generalis, aut Patrum Regiminis praescripto, omniaque ad Patrem Praesidentem referre; Congregationis jura tueri: Annatas quinquenniorum, quartam partem fructuum, & contingentem partem subsidii quadringentorum millium scutorum, & aliorum omnium, aut alias impostorum, aut in posterum imponendorum, & annuum Censum unius auri Camerae Apostolicae in Festo Sanctorum Apostolorum Petri, & Pauli in signum perpetuae libertatis, & confirmationis privilegiorum nostrorum, quotannis solvere ex pecuniis sibi per Monasteria, aut per QuaeSTOREM transmissis.

6. De quibus bis in anno rationem reddere teneatur Abbatibus S. Pauli de Urbe, & S. Mariae de Farfa cum assistentia alicujus Computista a Diffinitorio ad haec specialiter deputandi: sciatque se, si in hoc unquam defecerit, a Capitulo Generali, vel etiam a Dieta gravissime puniendum esse. Visitatoribus etiam, dum Monasterium S. Pauli visitaverint, idem Procurator Generalis ostendat annua suae administrationis computa, librosque computorum secum deferret ad Capitulum Generale a Diffinitorio exacte recognoscendos, & subscribendos.

7. Interim vero Capita Procurariae Generalis, nullo modo sit apud Computistam Congregationis, sed apud aliam personam fide dignam a Diffinitorio eligendam; a qua Capita Computista praedictus non extrahet summam aliquam quovis titulo solvendam absque mandato a P. Procuratore Generali subscripto. In casu autem reductionis, vel extinctionis Censuum, debitorum, vel aliorum particularium computorum, Computista pro tempore sub poena depositionis, & inhabilitatis ad quoscumque gradus, mittere teneatur eorum exscriptum Monasteriis, ad quae respective spectaverint, spatio unius mensis.

8. Modus autem electionis ejusdem Procuratoris Generalis, prout firmatum fuit auctoritate Apostolica per Breve Clementis X. sub datum die 22. Augusti 1670. erit iste: Eligatur ab universo Capitulo Generali ex omnibus Abbatibus ad id muneris, ut supradictum est, idoneis, qui omnes indiscriminatum suffragiis ejusdem Capituli Generalis committi debent. Ille vero ex Abbatibus, in quem plura vota consenserint, censetur legitime electus in Procuratorem Generalem, paribus autem apparentibus suffragiis, qui provechior in Religione fuerit, is Procurator erit habendus. Porro quicumque ille sit singulis in Capitulis Generalibus omnium Patrum Scrutinio submitatur, iterum in d. officio per majorem

rem supra dimidiam vocum partem, si aptus repperit fuerit confirmandus.

9. Advertatur praeterea, quod juxta Breve Pauli V., nunquam Abbas Sancti Pauli de Urbe, & eligendus in Procuratorem, sint ex Monasteriis earundem Provinciarum, sed diversarum, eligantur, ut si contigerit Procuratorem electum esse profectum ex Monasteriis Provinciarum Lombardae, Venetae, vel Liguriae, tunc Abbas Sancti Pauli ex aliquo Monasterio Romanae, Neapolitanae, Siculae, vel Hetruscicae deputetur, & vice versa multo minus eligatur in Procuratorem Abbas S. Pauli, sed Procurator eligendus sit Regimine, & Persona penitus ab eo distinctus: imo nec ipse Abbas, qui est Procurator Generalis, finito tempore suae administrationis, deputari possit immediate ad Regimen S. Pauli; nec Abbas Sancti Pauli immediate post Regimen ejusdem, eligi queat in Procuratorem Generalem, sicut in Procuratorem Generalem eligi duos Abbates ejusdem Monasterii profectos, successive, aut alterum in Procuratorem Generalem, alterum in Praesidentem Congregationis simul omnino prohibemus. Declarantes nullam, & invalidam electionem praefatam in qua praedicta omnia, & singula servata non fuerint.

10. Abbati in Procuratorem electo non deputetur Monasterium aliquod Regiminis, sed Abbatia solius tituli. Durante vero tempore suae administrationis, eligi non possit Procurator Generalis in Diffinitorem, aut Visitatorem, quod pariter fieri prohibemus eo anno, & in eo Capitulo, quo a Procuratoria Generali quocumque modo contigerit cessare. Excludimus etiam Procuratorem Generalem omnino a Dieta, tantoque tempore a Procuratoria vacare jubemus, quanto ante in ea perduraverit; paribusque rationibus, nolumus P. Praesidentem Congregationis tum pro eo tempore, quo Praesidis munus gerit, tum pro triennio immediato, quo ab eo absolutus est, cooptari posse in Procuratorem Generalem, & viceversa Procuratorem in Praesidem.

11. Abbas qui eligitur in Procuratorem Generalem, Juramentum, ut moris est Rino Diffinitorio exhibeat, se nullam dispensationem ad quoscumque gradus, Dignitates, Sacros Ordines, aut ad quodcumque aliud nostris Constitutionibus repugnans, impetratum, nisi de speciali Diffinitorum, vel Patrum Regiminis mandato, & in quantum potest pro sui muneris officio dd. Dispensationes, se impediturum. Quod si ad ejus notitiam pervenerit, aliquem ex nostris Monachis id attentasse, teneatur quam primum P. Praesidi, vel Regimini denunciare, graviter eum, qui has dispensationes procuraverit, puniuro. Si vero eligatur in Procuratorem Generalem Abbas absens a Capitulo, hoc idem Juramentum intra octavam diem, a qua Romam pervenerit, Abbati S. Pauli praestabit, ejusque facti authenticum testimonium Patri Praesidi transmittat.

12. Singulorum item Monasteriorum negotia curabit, & causas defendet. & prout opus fuerit tam de rebus publicum Congregationis bonum concernentibus, Patrem Praesidem certiore faciet, quam de privatis Monasteriorum negotiis eorum Superiores. Et si contingat, vel morte, vel quovis alio casu deficiere Procuratorem Generalem, tunc, qui erit Abbas S. Pauli curam

curam gerat usque ad futurum Capitulum Procuratoriae praedictae, eodem modo, quo de Procuratore Generali est diffinitum: in suo robore semper permanente Statuto prohibente ne Abbas S. Pauli, vel tunc, vel immediate post eligatur in Procuratorem Generalem.

13. Si vero ex aliqua gravi culpa (quod Deus avertat) Iustitiae rigor exposcat, ut ad ejusdem Procuratoris depositionem in poenam deveniatur, vel pro bono Congregationis regimine contingat, ut ab officio absolvatur, ad hujusmodi provisiones per Diffinitores tantum, absque aliorum Praelatorum suffragiis, dummodo ex novem Diffinitoribus, septem consentiant, procedatur.

14. Ut denique tanti officii onus facilius sustinere valeat, deputetur ei a Diffinitoribus, aut a Patribus Regiminis Coadjutor, qui sit Decanus, cujus opera in scribendo, & aliis negotiis utatur: gravis & ipse, industrius, probitateque, & ingenio conspicuus, qui etiam ejus vices (si quando eum abesse contigerit) sine Congregationis incommodo gerere possit. Hic qui Comprocurator appellatur, praesit omnibus Decanis, etiam Magistris Novitiorum, & subiaceat in temporalibus Procuratori Generali, in spiritualibus vero Abbati Sancti Pauli tantum, a quo teneatur accipere benedictionem, dum e Monasterio egreditur, & ad illud revertitur. Quod idem dicimus de Computista, qui semper sit Decanus, & teneat locum immediate post Comprocuratorem.

*De Epistolis dirigendis, & de loco celebrandi Capitulum.*

CAPUT XXIV.

Item de Capituli temporibus, & expensis.

1. Expeditis omnibus, & ante Capituli absolutionem, si quae responsivae, vel missivae consueverunt litterae; satisfiat huic muneri per aliquem ad hoc idoneum a Diffinitoribus deputatum. Quas litteras Diffinitores diligenter videant, & si aliquas judicaverint memoria dignas registrari faciant per Cancellarium.

2. Consequenter pro futuro Capitulo celebrando idoneus in aliquo Congregationis nostrae Monasterio locus eligatur: Declaramus autem Monasteria pro celebrando Capitulo, haec esse, videlicet: Monasterium Sancti Benedicti Mantuae, Sancti Joannis Evangelistae Parmae, Sanctae Justinae Patavii, Sanctae Mariae Pratalex, Sancti Georgii Venetiarum, S. Petri Perusii, S. Vitalis Ravennae, & Sacrum Cassinense Cenobium: Volentes, quod hoc ordine habeantur Comitua pro Capitulo Generali, ut ter in uno, vel altero Monasteriorum in Provinciis Veneta, & Lombarda, ut supra deputatorum, bis vero in assignatis Provinciarum Romanae, & Neapolitanae celebrentur de triennio in triennium, ut supra sancitum est Cap. r. n. i.

3. Qui locus sic electus, nisi rationabili causa, & de Praesidentis, necnon majoris partis Visitatorum consensu, mutari non possit, nec celebratio Capituli, nisi per breve tempus octo videlicet, vel ad altius decem dierum differri, a decem vero diebus usque ad Menssem, nisi de Praesidentis, omniumque Visitatorum consensu minime differri possit, & hoc nisi ex urgentissima, & inevitabili causa.

4. Quod si aliqua rationabili causa Praesidens,

& Visitatores praedicti ipsius Capituli locum duxerint transmutandum, vel celebrationem Capituli prorogandam congruo tempore, omnibus Praelatis Monasteriorum per litteras significare nullo pacto praetermittant.

5. Statuimus etiam, ut ad expensas, quae in Capitulo Generali fiunt, omnia Monasteria, tam citra, quam ultra Alpes secundum eorum taxam, contribuere teneantur.

*De publicatione, & absolutione Capituli.*

CAPUT XXV.

1. Omnibus, quae ad Generale Capitulum pertinent, expeditis, omnes advocentur, tam de Capitulo, quam residentes in Monasterio, ubi Capitulum celebratur, publicenturque per Scribam Capituli tanquam auctoritate Apostolica publicum Notarium: Praesidens Regiminis, Visitatores, & Praelati Monasteriorum tam administrationem habentes, quam Titulares, Thesaurarius Congregationis, Procurator Generalis in Curia, Cancellarius, Caparius, Coadjutor Procuratoris, & Computista, & mutationes Monachorum, praesentibus testibus pro hoc actu specialiter rogatis.

Id est, de evulgatione eorum, quae censura fuerit in Capitulo.

2. Quibus peractis exeant omnes, qui non sunt de Congregatione, & successive per Praesidentem vel Scribam terminata in Capitulo publicentur, exceptis illis, quae secreta Diffinitores duxerint tenenda. Quae vero publicata fuerint, Praelati in scriptis ad sua Monasteria Monachis suis denuncianda, portent, & quae a praefato Capitulo per duo praeterita Capitula approbata fuerint, vel in futurum approbata, emanare contigerit, secum ad sua Monasteria, vel deferant, vel deferri faciant, quamprimum commode poterunt, in libro ad hoc in modum registri deputato, per se, vel per alium fideliter exaranda.

3. Quae quidem ordinationes in Monasteriis legantur, in reversione Praelati a Capitulo publicentur etiam nominatim, si qui fuerint fugitivi, vel expulsi, ut ab omnibus requirantur respective, vel evitentur, secundum declarationem super Cap. Regulae 29.

4. Et imponantur triginta Missae pro quolibet Monasterio pro Fratibus Defunctis nostrae Congregationis, & aliae triginta pro habentibus litteras gratiosas, qui illo forte anno decesserint, quas pro debito sufficere volumus.

5. Ultimo publicetur locus futuri Capituli, & Pater Praesidens committat omnibus, ut ore tur pro SSmo D. N., pro Esmo Protectore, ac caeteris S. R. E. Cardinalibus, pro Principibus, Praelatis, Congregationis nostrae Benefactoribus, vivis, & defunctis.

6. Quibus peractis, Visitatores a Scriba Capituli requirant, & petant in scriptis; si quae ordinata sunt pro Monasteriis suae Provinciae, quae ad eorum officia pertineant. Et similiter quilibet Praelatus petat a Scriba Capituli, si quae ad suum Monasterium pertinentia, ordinata fuerint in authentica forma in libro sui Monasterii, ut supra dictum est, postea adnotanda, & in specie de Monachis ad suum Monasterium tunc deputatis, an pro aliquo illorum obtenta fuerit licentia, ut ad ordines promoveatur, & quo tempore, & similiter a P. Praesidente requiratur, si quae fuerint ad suum Monasterium pertinentia. Et sic obtenta prius licentia, & benedictio.